

## **Դավթաշեն թաղային համայնքի տարածքի գոտիավորման նախագիծ**

Երևան քաղաքի Դավթաշեն թաղային համայնքի նախագծվող տարածքը գտնվում է Երևանի հյուսիսում՝ Հրազդան գետի աջ ափին, Եղվարդի սարահարթի եզրամասում: Տարածքը սահմանափակվում է հյուսիսից՝ Կոտայքի մարզով և նախագծվող շրջանցիկ նոր ճանապարհով, հարավ-արևելքից՝ Հրազդանի կիրճով և Արաբկիր համայնքի սահմանակից տարածքներով, հարավ-արևմուտքից՝ Աջափնյակ համայնքի սահմանակից տարածքներով և նախագծվող Երևան - Աշտարակ նոր մայրուղով: Դավթաշեն քաղաքային համայնքը գտնվում է Երևան քաղաքի հյուսիսարևմտյան մասում և զբաղեցնում է 653.1 հա, որը քաղաքի ամբողջ տարածքի 2.88%-ն է:

Համայնքի բնակելի կառուցապատման հողատարածքները կազմում են 230 հա: Համայնքում տեղակայված գոյություն ունեցող բնակելի ֆոնդում բնակվում է 40 500 մարդ, որի 84.6%-ը բնակվում է բազմահարկ շենքերում, իսկ 15.4%-ը՝ սակավահարկ տներում: Դավթաշենի բնակելի կառուցապատման տարածքի բնակչության միջին խտությունը կազմում է 176 մարդ/հա: Դավթաշենի տարածքում մեկ բնակչի ապահովվածությունն ընդհանուր մակերեսով կազմում է 27.1 քմ: Նախագծով՝ Դավթաշենի տարածքում մեկ բնակչի ապահովվածությունն ընդհանուր մակերեսով կկազմի 30.8 քմ:

Դավթաշեն համայնքի Աշտարակի խճուղուն հարող տարածքում <<Դիակոնիա>> բարեգործական հիմնադրամի կողմից կառուցվել է <<Հույսի Ավան>> բնակելի թաղամասը, որը զբաղեցնում է 16 հա հողատարածք:

Համայնքի տարածքում գործում են մանկական նախադպրոցական 11 հիմնարկներ, որոնցից 4-ը վերագործարկվել և շահագործվում են որպես բնակելի տներ, մնացածն այլ հիմնարկներ են: Տարածքում գործում է 6 հանրակրթական դպրոց, որոնցից մեկը՝ թիվ 93 դպրոցը, գտնվում է Դավթաշեն գյուղում, իսկ մնացածը՝ Դավթաշենի բնակելի թաղամասերում: Համայնքի տարածքում գործում են երկու ամբուլատոր-պոլիկլինիկական հիմնարկներ՝ թիվ 20 պոլիկլինիկա (զբաղեցրած տարածքը 0.4 հա), թիվ 5 մանկական ստոմատոլոգիական պոլիկլինիկական և <<Կարմիր խաչի>> վերականգնողական կենտրոնին կից ամբուլատոր ծառայությունը: Վերականգնման և նոր շինարարության հաշվին առաջարկվում է լրացնել ամբուլատոր - պոլիկլինիկական հիմնարկները:

Վերը նշված <<Կարմիր Խաչի>> վերականգնողական կենտրոնը զբաղեցնում է 7.9 հա տարածք և համաքաղաքային նշանակության հիմնարկ է:

Դավթաշեն համայնքի տարածքում չկան ընդհանուր օգտագործման մարզական կառույցներ: Համաձայն նորմատիվային պահանջարկի՝ առաջարկվում է նախատեսել հետևյալ կառույցները՝ մարմնակրթական պարապմունքների համար բնակատեղին մոտ կառուցել մարզական հարթ կառույցներ, ընդհանուր օգտագործման մարզադահլիճներ և լողավազաններ (բաց և փակ), որոնց համար կպահանջվի 8.83 հա տարածք: Համայնքի հյուսիսում նախատեսվել է սպորտային գոտի: Նախատեսվում է մշակույթի և արվեստի հիմնարկները համալրել կինոթատրոնով (677 տեղ) և ակումբներով՝ ըստ հետաքրքրությունների (1578 տեղ): Առաջարկվում է կազմավորել միասնական համալիր կառույց՝ համայնքի տարածքի հասարակական կենտրոնում՝ ընդգրկելով մշակույթի և արվեստի հիմնարկների սպասարկման նշված ձևերը:

1981թ. մշակված ՄՅՆ-ի՝ հիմնականում բնակարանաշինական մասը ժամանակին չնչին փոփոխություններով համարյա ամբողջովին իրականացվել էր, համայնքի մնացած տարածքների զարգացումն ընթացել է հախուռն, անկանոն ձևով: Դրա հետևանքով այսօր տարածքը բաժանվել է տարբեր՝ անհամասեռ մասերի, որոնցից կարելի է առանձնացնել միասնական հատակագծով կազմավորված բազմահարկ բազմաբնակարան կառուցապատման թաղամասերը, սակավահարկ կառուցապատման թաղամասերը (նախկինում՝ Դավիթաշեն գյուղի տարածք), անկանոն ապօրինի շինարարությունը, նոր հողհատկացումների տարածքները, արտադրական տարածքները, միասնական փողոցամայրուղային ցանցի լրացման և համալիր կազմակերպման տարածքային պահուստները:

Հասարակական կենտրոններն այդպես էլ չեն կազմավորվել և բաշխված են անկանոն կերպով, իսկ թաղամասի ազատ մնացած տարածքներում 90-ական թվերից սկսվել է սակավահարկ, տնամերձ հողամասերով առանձնատնային բնակելի տներով կառուցապատումը: Նախագծային կանաչ տարածքների մի մասն արդեն զբաղեցված է այլ գործառնական նշանակության օբյեկտների տարածքներով:

Սակավահարկ կառուցապատման թաղամասերում (նախկինում՝ Դավիթաշեն գյուղի տարածք) համարյա համատարած խախտված են կարգավորման կարմիր գծերը: Համայնքում առկա են անկանոն և ապօրինի շինարարության տարածքներ, որոնք շատ դեպքերում գրավում են անթույլատրելի տեղեր. սանիտարական-պաշտպանիչ գոտիներ, այլ գործառնականների համար նախատեսված տարածքներ և այլն: Գյուղում տները կառուցված են գործող շինարարական և սեյսմակայուն շինարարության նախագծման նորմերի կոպիտ խախտումներով:

Առկա արտադրական, գիտաարտադրական և կոմունալ-տրանսպորտային հիմնարկներից բավական մեծ տարածքներ են զբաղեցնում <<Արաքս>> գործարանը

և Սեյսմիկ կենտրոնը, <<Արմենֆիլմ>> կինոստուդիան և <<Արմենիա>> հեռուստաընկերությունը: Վերջին երկուսը ունեն արտադրական մեծ տարածքներ, որոնք վերագրվել են հասարակական նշանակության օբյեկտների:

3-րդ թաղամասում տեղակայված հ. 4 ավտոբուսային հավաքակայանը, և տրանսպորտային տնտեսությունը դերևա 80-ական թթ. Նախատեսվում էր տեղափոխել այն, քանի որ այն նպատակային նշանակությամբ և աշխատանքային ռեժիմով չեն համապատասխանում բնակելի շրջանի կենսագործունեության պահանջներին, սակայն մինչ այժմ դա պահպանվել է: Առաջարկվում է այն տեղափոխել և տեղում խառը կառուցապատում իրականացնել:

Ներկայումս Դավթաշեն համայնքի կանաչ տնկարկների կանաչապատ մակերեսը կազմում է 102.0 հա (բնակչության ապահովվածությունը՝ 3.45 քմ/մարդ), Նախագծով, մինչև 2020թ. Նախատեսվում է հիմնադրել 141.2 հա ընդհանուր օգտագործման կանաչ տնկարկներ՝ անտառապուրակներ, գրոսայգիներ, պուրակներ: Բնակչության ապահովվածությունը նշված գործառույթային նշանակության կանաչ տնկարկներով կավելանա:

Ճանապարհների, գերեզմանների, էներգետիկայի և կոմունալ այլ օբյեկտների այն պաշտպանիչ գոտիների տարածքները, որոնք այսօր արդեն զբաղված են բնակելի և հասարակական կառույցներով, Նույնպես վերափոխվում են բուֆերային գոտիների, որտեղ մինչև հաշվարկային ժամկետի ավարտը պետք է արգելվեն բոլոր նոր բնակելի և հասարակական կառուցապատման և վերանորոգման աշխատանքները:

Նախագծվող թաղամասի հատակագծային կառուցվածքը կանխորոշել է Նաև արևմտյան սահմանով Նախատեսված Երևան - Աշտարակ մայրուղային կապը, որը, սահմանագծելով Աջափնյակ և Դավթաշեն համայնքները, կապում է Երևանը Արագածոտնի և Կոտայքի մարզերի բնակավայրերի հետ: Մայրուղային համակարգի մյուս կարևոր բաղկացուցիչ մասն է կազմում Նախագծում առաջարկվող՝ Երևանը հյուսիսից շրջանցող նոր ճանապարհը: Բացի այդ, համայնքի տարածքում Նախատեսվում է շրջանային նշանակության մայրուղի, որը, լրացնելով գոյություն ունեցող փողոցային ցանցը, կապում է Դավթաշենի կամուրջը վերոնշյալ մայրուղիներին՝ ապահովելով քաղաքի այս մասի հատակագծատարածական միասնությունը :

Նախագծով Նախատեսվող հիմնական հատակագծային և գործառական լուծումներն են.

1. գոյություն ունեցող բազմահարկ կառուցապատման բնակելի չորս թաղամասերի և դրանց ներբակային տարածքների և ավտոկայանման տեղերի

հատակագծային կանոնակարգում, տեղական սպասարկման հասարակական կենտրոններով և այլ անհրաժեշտ սոցիալական ենթակառուցվածքներով ապահովում,

2. սակավահարկ կառուցապատման առանձնատնային բնակելի թաղամասերի կանոնավոր զարգացում, դրանց հատակագծային կառուցվածքի կատարելագործում, տարբեր տիպի սանիտարական պաշտպանիչ գոտիների և կարգավորման կարմիր գծերի ճշգրտում,


3. նոր կառուցապատման տարածքներում ավելի գրավիչ նոր խառը կառուցապատման ձևերի խրախուսում,

4. համապատասխան ենթակառուցվածքներով հագեցված շրջանային նշանակության բազմագործառույթ հասարակական կենտրոնների ստեղծում (առևտրի կենտրոններ, վարչական, գործարարական և զվարճանքի օբյեկտներ, բանկեր, հյուրանոցներ և այլն),

5. կանաչ գոտիների հանգստի և զվարճանքի համաքաղաքային նշանակության միասնական հատակագծային կառուցվածքի մեջ ընդգրկում՝ բնական լանդշաֆտի և կենսաբազմազանության պահպանմամբ և լրացուցիչ ջրային մակերեսների ստեղծմամբ:

Դավթաշեն թաղային համայնքի գոտիավորման նախագիծը, համաձայն ՀՀ կառավարության 14.05.2001թ. հ. 408 որոշմամբ ընդունված կարգի, հաստատվել է Երևանի քաղաքապետի 12.12.2007թ. հ. 5411-Ա որոշմամբ:





**ՊԱՅՄԱՆԱԿԱՆ ՆՇԱՆՆԵՐ**

- |                                     |  |
|-------------------------------------|--|
| Hmin 150<br>Hmax 450                | Hmin շին աահմանախակվում<br>Hmax շին աահմանախակվում |
| Hmin 40<br>Hmax 100                 | Hmin 150<br>Hmax շին աահմանախակվում                |
| Hmin շին աահմանախակվում<br>Hmax 150 | Hmin շին աահմանախակվում<br>Hmax շին աահմանախակվում |
| Hmin շին աահմանախակվում<br>Hmax 70  | Hmin շին աահմանախակվում<br>Hmax շին աահմանախակվում |
| Hmin շին աահմանախակվում<br>Hmax 80  | Hmin 70<br>Hmax 150                                |
| Hmin շին աահմանախակվում<br>Hmax 200 | Hmin 30<br>Hmax շին աահմանախակվում                 |
| Hmin 100<br>Hmax շին աահմանախակվում | Hmin ըստ զրոնոլ նորմերի<br>Hmax ըստ զրոնոլ նորմերի |

ՆԱԽԱՊԱՏՄԱՆ ԿԱՐԳԱՎՈՐՄԱՆ ԳՈՏԻԱՎՈՐՄԱՆ ՆԱԽԱԳԻՇ		ՆԱԽԱՊԱՏՄԱՆ ԿԱՐԳԱՎՈՐՄԱՆ ԳՈՏԻԱՎՈՐՄԱՆ ՆԱԽԱԳԻՇ	
Նախագծող	Վարչակազմ	Տեսչություն	Տեսչություն
ՍՊԻՐ	ԿԱՐԳԱՎՈՐՄԱՆ ԳՈՏԻԱՎՈՐՄԱՆ ՆԱԽԱԳԻՇ	ԳՈՏԻԱՎՈՐՄԱՆ ԳՈՏԻԱՎՈՐՄԱՆ ՆԱԽԱԳԻՇ	ԳՈՏԻԱՎՈՐՄԱՆ ԳՈՏԻԱՎՈՐՄԱՆ ՆԱԽԱԳԻՇ
Տեսչություն	Տեսչություն	Տեսչություն	Տեսչություն
Տեսչություն	Տեսչություն	Տեսչություն	Տեսչություն
Մ 1:5000		Մ 1:5000	